

**Zeitschrift:** Annalas da la Societad Retorumantscha  
**Band:** 34 (1920)

**Artikel:** Partenza del battagliun novantetrais  
**Autor:** Asper, C.H.  
**DOI:** <https://doi.org/10.5169/seals-853310>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 15.10.2024

**ETH-Bibliothek Zürich, E-Periodica, <https://www.e-periodica.ch>**

## Partenza del battagliun novantetrais.



Adieu, chaserna grischa,  
Adieu, pintas d'Vuclina,  
Adieu, chara mattina!  
Chi sà, sch'eu turnerà?

Pront ais fingià il battagliun,  
In testa la fanfara,  
Adieu, mattina chara,  
Am tocca da partir.

Ma na perquai sudà grischun  
Müda l'allegra tschera,  
El segua la bandera,  
A quell' ais el fidel.

Vair' aise bain: zuond d'ür ais quai,  
Apain' our dalla tanna  
Marchar alla prussiana,  
S'exercitar cul dril.

Cul dril a tschanc, cul dril a dret  
'Vain tuotta di da sbatter,  
Vain bod las vainchequatter;  
A pacs fa quai plaschair.

Eir plascha pac, dal diavel pac,  
A vair nossa brigada  
Già mez intudais-chada,  
Dal caporal in sü.

Ma con tuot quai, e sch'eir güst hoz  
Plü d'ün ais „aint ill' ogna“,  
Sudada da muntogna  
Schlass' ais da cour e bratsch.

Il battagliun novantetrais  
In movimaint as metta,  
Al sun della trombetta.  
Adieu, a bun ans vair!

*C. H. Asper.*